



Tuhaqtitauyuqhaq

Tuhaqtitauhainnaqtukhaq

Hivuliqti Akeeagok uqaqtait tikkuqaqtauhimaliqtun

Iqaluit, Nunavut (Nuvaipa 22, 2021) – Hivuliqti PJ Akeeagok quviahuktuq uqalirami tikkuqaqtaniinnik ukunani Joe Kunuk Tiraqtiulluangurluni unalu Virginia Mearns Tukliq Ministanguqhuni Kavamaliqijikkunni (EIA) imaalu Ministanun Titiraqtiuluni, atuliqluni tadjainnaq.

“Qujariqpiagtara Mr. Kunuk ikajurniarmanga hivulliurlunga nutaami havaamna. Ihumagidjutait atuqpakhimadjutailu ikajuutauqpiarniaqtun, uqaqtuq Hivuliqti Akeeagok. “Ms. Mearns havattiaqpiarhimajuq havaaraluarmini, quviahuktungalu tadjata adadjutiginiaqtara kavamatkunni havagvianun aulapkainianullu.”

Mr. Kunuk havakpakhimajuq amigaitunik qulvahiktuni havaani, ilaujuqlu angijuqqaani aulapkainikkut havaani iluani Nunavut Kavamanga (GN), imaatun Aulapkaijiulluarhuni uumani Inuit Nunarjuarmi Katimajiinni qanganuarlu imaatun Aivadjutiulluangupluni uvani Qikiqtaani Inuit Katimajiinni. Talvannga 2018min, Ms. Mearns havakpakhimajuq Titiraqtiulluangupluni Hivuliqtimun Savikataaqmun, hivuagullu Ikajuqtiujuq Tukliq Ministaupluni Kavamaliqijikkunnun, munaripluni aulapkainirun parnaqutikhanun hivulliurutikhanullu GN-kunnun.

Jeff Chown utiqhimaliqtuq havaamun Tukliqmun Ministaupluni Kiinaujaliqijikkunnun Titiraliqijiplunilu uumunga Kiinaujaliqinikkut Aulapkainingani Katimajiinnun, havakpakhimapluni Tukliq Ministaupluni Kavamaliqijikkunni uumanilu Ministanun Titiraqtiupluni talvannga Saptaipamin.

“Qujagijumajara Mr. Chown havattiarutaanin uvunga pilirutaanin pidjutaanillu uumani aallanguqtirni. Havattiarutiapiarutiqatquq aullaqtiqitillunga nutaamnun havaakhamun, tujuqtatkalu quviakutitka utirutaanun Kiinaujaliqijikkunnun,” uqaqtuq Hivuliqti Akeeagok.

###

Tuhaqtidjutikhanut Uqarvikhaq:

Cate Macleod
Tadja Tuhaqtaujujkanik Titiraqtiullaktuq
Havagvia Hivuliqtiup Akeeagok
867-975-5059
cmacleod6@gov.nu.ca

ᐱᕋᕐᕐᕐᕐᕐ ᕐᕐᕐᕐᕐᕐᕐᕐᕐᕐᕐ ᐱᕐᕐᕐᕐᕐᕐᕐᕐ ᐱᕐᕐᕐᕐᕐᕐᕐᕐ, ᕐᕐᕐᕐᕐᕐᕐ, ᐱᕐᕐᕐᕐᕐᕐᕐᕐᕐᕐᕐᕐᕐ, www.gov.nu.ca.
Tuhaqtitauyuqhat piinnariaqaqtut Inuktitukkuuqhimayunik, Qablunaatut, Inuinnaqtun Uiviivitigunlu uvani www.gov.nu.ca.
News releases are available in Inuktitut, English, Inuinnaqtun and French on www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.